

MAI JA'QUË PAI YO'OSE'E



MAI JA'QUË
PAI YO'OSE'E

SECOYA

Instituto Lingüístico de Verano
ECUADOR
1.968

Moisespi Israel paire sacaëña

Ai soe Jacobo mamajëpi ja Israel pai a'ë cui'ne nomio hua'i, cui'ne i mamamjë pateña Egipto yejare. Pa'ijëna jarote jai pai mamajë i naje si cui'ne co'ye naje si jai paire hue'yoreña Israel pai.

Pa'ijëna je'rërepa de'oye pateña. Pa'ijëna Jose ju'isi maca, yequë ëjaë paquëña, Egipto pai ëjaë, jaë cato co'aquë paquëña. Pa'ipi ca'daëña Israel paire.

Ca'daquë caëña Egipto pai ëjaë,
 "Me neja'cohua'i a'ni Israel pai", caëña.
 Cani cui'ne se caëña. "Ai tutu quë'iohua'i a'ë Israel pai, cui'ne jai pai a'ë. Pa'ijë, ja paipi maire huihuama'cohua'i a'ni, cui'ne mai yeja siomà'cohua'i a'ni", caëña.
 "Eseñu'u ai tutu quë'iohua'i sioma'cohua'i a'ni", caëña. Egipto pai ëjaë, co'aquë, josa yo'oquëna si'a hua'i Israel paipi ai yo'ojë

pateña, pa'ijëna, si'a mu'se ai cuamaña
 necaijëta'are aiñe paëña. Sai ma'ë pa'ina
 jaje yo'oto ti tutu peoyë jahua'ire,
 cuachaëña Egipto pai ëjaë. Cuachaquëna
 Israel pai cato tutu quë'iohua'i pateña,
 mai ja'quëpi tutu isiña. Isina ja macapi
 Egipto pai ëjaë cuañeëña si'ao hua'ire.
 "Israel ëmë si mañare, jeo dëchojë'ë",
 caëña.

Jaje cuañequëna si'a Israel pai
 nomiohua'i quëquë hue'sëni oteña. "Mai
 mamajë yahueñu'u", careña.

Casicohua'ipi yeco io mamaquëre
 ayaña ari yohuëna. Ayahueoni taya sa'na-
 huëna jëjosao huahuoña.

Jëjosao huahuoni, sihuaëre pëa
 nëcani ñaco nëcaoña maja'yopi.

Ñaco nëcaco peco siayana sihuaë maca
 quë'ro cajeoña, Egipto pai ëjaë mamaco.
 Cajeona cui'ne iote cocaicohua'i ja're



cajereña. Cajerena, Egipto pai ějaě
 mamacopi ñaoña ari yohuě. Ñani huiyoni
 ñaoña sihuaěre. Ñaona maja'yopi ñaoña,
 ñani jeoděocasico yo'oco sihuaěre siayana,
 cuachaoña. Cuachaona, mai ja'quĕpi
cocaquĕña, cocaina nejo ěama'ñe nĕquĕña
iote. Nĕina oio icoña sihuaěre. Ini
 caoña, "Iquĕre yĕyĕ, Yĕ'ĕ sani pasi'i,
 yĕ'ĕ mamaquĕ pa'ijaquĕ api", caoña. Cani,
 "Yeconi isisi'i de'huacaija'core", caoña.

Cani, sihuaě maja'yopi achani sa
 pĕcaja'core quĕao'ña, "Ejaě mamacopi mai
 huarere de'huacaico'ĕ yĕo'", quĕaoña.
 Quĕaona, pĕcaja'copi sani de'huacacoña.

De'huacaona, ějaě mamaco sihuaěre
 hue'yooña Moises.

Hue'yooña Moises ai de'oquĕna,
 pĕcaja'copi Egipto ějaě mamacona isioña.

Isiona Moises paquĕna ějaě mamaco
 quĕ'rore, posĕ paquĕña.

De'o huë'e pa'i, de'o caña ju'i
 paquëña. cui'ne de'o hua'i ai paquëña,
 jaje si'aye paní, jayëta'a i paire
 cuachaëña. Ja i pai ai yo'ojëna ñaëña.

Ñaëna mai ja'quëpi i paire cocasi'
 cuachaëña Moises ai de'o tējina mai
 ja'quëpi se cuañeëña Moisesni. "Iye
 yejapi sa caijë'ë yë'ë paire, Israel
 paire. Sacaini, "Canana yejana saijë'ë",
 caëña mai ja'quë.

Israel pai Egipto yejapi sateña

Israel pai Egipto yejare soe ometëcaña pateña.

Soe ometëcana pa'ijëna ja macapi mai ja'quë caëña Moisesni, "Yë'ë pai Canan yejana saijajë", caëña. "M ja paire choijë'ë", caëña mai ja'quë.

Caëna Egipto pai ëjaëpi Israel paire ai ëseña. Ësena. "Nepi necai-ja'cohua'i a'ni yë'ë cuamaña ja hua'i sani saru", cuachaëña.

Jaje cuachuëna Moisespi Egipto pai ëjaëre, sani quëaëña, "Yë'ë paire saye ëse ma'ë pa'ijë'ë capi mai ja'quë".

Caquëna, "Ëseyë ja paire saye", caëña Egipto pai ëjaë. "Sehuo ma'ë pasi'i më caye", caëña.

Caëna i casi maca mai ja'quë ai pëquëña ite.

Pëina mai ja'quë quëaëña Moisesni,
 "Jëjosaoja'quë a'ë yë'ë paire", caëña.
 "Jëjosaoëna huaija'quë api te'ohua'ise'ere"
 Huaija'quë api Egipto paire maja yëohua'i-
 repase're", caëña mai ja'quë. "Israel
 paire cuañejë'ë, huaijajë jo'ya ñamare.
 Huani ñama siepi etasa'roana soajajë",
 caëña mai ja'quë. "Soarena matëmo
 jëjodaoquëpi ñajaquë sie. Ñani ti huaiye
 pajaquë" caëña mai ja'quë.

Caquëna achani, Israel paipi mai
 ja'quë case'e nereña. Nechaoni si'a
 cuamaña de'huachaoreña de'huachaoni
 sañu'u cajë Canan yejana.

De'huachaojëna, ñami joporepa paire
 huaija'quëpi dani si'aye Egipto pai
 maja'yëohua'irepase're huani jëoëña.
 Huani jëani Israel pai pa'ise're
 huaiye paëña

Paëna, Egipto pai ëjaë choïña

Moisesni.

Choini Egipto pai ējaë Moisesni
 quëaëña, "Saijë'ë yure, e'sa saijë'ë.
 Mai ja'quëpi yëquëre huaima'quëni",
 caëña.

Caëna, Moises sani quëaëña i paire,
 Israel paire, "Yure mai saiye ti'api",
 caëña.

Casiquëpi saina saihuëoreña
 Egipto yepapi, jai pai ëmëohua'i,
 cui'ne nomio hua'i, cui'ne si saihuëo-
 reña Egipto yejapi. Cui'ne du'ru
 huequëre sareña.

Saicohua'ipi saijë saijë ti'areña
 Maja'iña.

Maja'iña ti'ani, Israel pai sai
 macarepa Egipto pai ējaëpi cuachaquë
 caëña, "Me yo'oja'quë ësema'ë pate'ni
ja hua'ire", caëña. Cani choiña i soldado
paire.



Choisiquēpi cuañeēña. "Sani ti'ani
quērējani dajē'ē ja hua'ire, Israel
paire", caēña Egipto pai ējaēpi
soldadore.

Caquēna sateña soldado, satena
Israel pai ñani quēquēreña.

Quēquējēna Moises caēña Israel
paire, "Mai ja'quēpi cocaija'quēre
me quēquēye'ni", caēña.

Cani Moises tarapēpi mēne mēaēña
siaya emējeja'a. Mēaquēna mai ja'quē
oco jaco sao nēcaēña. Jaco sao nēcaēña.
Israel pai cajeni jeteña. Siaya
cuenesicoja'a sateña.

Saijēna, Egipto pai ējaē, soldado
pai con i e'sa tuteña Israel paire.

Tuijēna soe sa tuma nēcareña
Israel pai, ja macapi Egipto pai ējaē,
cui'ne i soldado pai, siaya joporepare
pateña. Pa'ijēna Egipto pai caballo

quëre tē'ña yejana cacana ai yo'ojēna.

Ai yo'oni, "Mai ja'quēpi cocaiji
Israel paini, co'iñu'u", careña Egipto
soldado pai.

Cajēna mai ja'quēpi quēaēña Moisesni,
"Mē'ē tarapēpi mēne mēajē'ē siaya
ēmējeja'a", caēña.

Caēna Moises jaje yo'oēña.
Yo'oquēna ja macapi ja siaya cui'naopi
sio jacoña. Sio jacona Egipto pai ējaē
cui'ne soladao pai pateña siaya
sa'nahuērepare. Pa'ijē si'a hua'i duni
juni huesēreña siaya sa'nahuēna.





Du'ru huequëni oropi de' huareña

Israel paipi jopo ma'a Canan yeja
saicohua'ipi ti'areña jai cutihuëna.

Ja jai cutihuë hue'yoreña Sinia cutihuë.

Jaropi mai ja'quë toa jopore-
paja'a cajeña. Cajequëna si'a cutihuë
ñu'cuecona, cui'ne pico pacoña.

Ñu'cuecona mai ja'quë caëña,
Moisesni, "Yë'ë quë'rona daijë'ë".

Caquëna Moises saquëña mai ja'quë
quë'ro. Saquëna mai ja'quë i coca caya
quënapepëana toyacaquëña diez cuañese'e.
Toyatëjini Moisesni isi'iña quënapepëa.

Isini mai ja'quëpi caëña Moisesni.
"Yë'ë cuañese'e si'a hua'ire quëani,
ye'yajë'ë, caëña mai ja'quë. "De'oye ñajë
pa'ijajë. Yo'ojajë si'aye yë'ë cuañese'e",
caëña mai ja'quë.


Caëna Moises paquëña cutihuëre 40

mu'seña. Pa'ina Israel pai Moisesni utejutareña. Utejujani careña. "Moises ti co'iye paja'quë api", cuachareña.

Cuachani quëareña Aroni. "Yeque mai ja'quëre de'huani pañu'u", careña. Cajëna. "Me achaye'ni Moises pa'iye", careña. Cani, Aroni ini curiquëpi, cui'ne ja coni de'huaëña cu'ru huequëje pa'ire.

Du'ru huequëje pa'ire de'huaëna, de'hua tëjini, si'a paire careña. "Iquë mai ja'quë api, maire Egipto quë'ropi jëjosaoquë api", careña.

Cajëna seteña oro nesiquëni. Sejëna mai ja'quë ñaëña Israel pai



yo'ojëna. Ñani ai jerepa pëquëña mai ja'quë Israel paire.

Pëni caëña, "Cajeni si'a hua'ire huasi'i", caëña mai ja'quë.

Caquëna Moises mai ja'quëre sēi caëña, "Ja'quë huaima'ë pa'ijë'ë, Israel paire", oi caëña Moises. Caëña, mai ja'quë achani, "Huaima'ë pa'iyë, Israel paire", caëña mai ja'quë.

Caquëna, Moises cajeña cutihuëpi. Cajeni ñaëña mai ja'quë api cajë yo'ocohua'ire. Ñani Moises i jëtëpi ini saëña caya quëna pepëa, mai ja'quë cuañesi coca dani.

Mai ja'quë cuañesi coca dase'e pa'ina, jaje yo'ojëna ñaquë Moises pëi da tome dani caya quëna pepëa jeaquëna jë'yeiña.

Jë'yeina, "Nepi mai ja'quëre sehuoye yëyë'ni dajë'ë iñona", caëña Moises


Caquëna yeco Hua'ise'e Moises
quë'rona sateña yeco hua'ise'e pareña.

Pajëna Moises caëña i quë'ro
saisicohua'ire, "Yureta'a sani huani
jeoje'ë mai ja'quë quëro pa'ima'co
hua'ise're", caëña Moises.

Caquëna sani huateña 3000 paio
hua'ire.

Huani jeorena Moises iquëña caya
quëna pepëa pa'ina, mai ja'quë quë'rona
sani coeña.

Saquëna mai ja'quë toyaëña tijupe
diez cuañe coca. Toyani jao cocare Moises
ye'yaëña si'a hua'ire Israel paire.



Canan yejana Saise'e

Israel pai Egypto yepapi sateña.
Sani Canan yeja ti'añu'u cajë sateña.
Saijë cuarenta ometëcaña daoreña.

Daojëna mai ja'quëpi si'aye cocaquëña,
Israel paire. Mai ja'quë siri sa'nahuëre
paji'i. Pai saihue'eña iñoquë yo'oëña.
Siripi saina, paipi cui'ne sa'ë. Siripi

pěäquëna, paije cui'ne pëareña. Ñami siri toaje pa'io miaoña. Jaje pa'ina, Israel pai daoreña. Daojë Israel pai ai ëa ju'ijëna, mai ja'quëpi aoëña. Aose'e cato yeque ao matëmopi tomes'e. Israel paipi iye ao "mana" hue'yoreña. Mai ja'quë cui'ne hua'ije isiña.

Te'e mu'se saijë pajë oco ëaju'ijë oco siopë ti'ani ucujëna sëje oco paquëña. Pa'ina, Israel pai cue'yoreña. Cue'yojëna mai ja'quë te'e soquë ñë iñoni caëña Moisesni, Iye soquë ñë cueni taoni oco siopëna jeo dëojë'ë, caëña mai ja'quë.

Caquëna, achani jaje yo'oëna oco de'oëña.

Cui'neje yeque mu'seña oco peoquëna, mai ja'quëpi quëna cutihuë oco etapi.

Yeque mu'seña yecohua'ire huaijë pateña. Pa'ijëna, mai ja'quë Israel paire

cocaëña. Cocaëña, satëto sateña.

Si'a mu'seña mai ja'quëpi de'oye
ñacaquëña, Israel paire. Jayëta'a
Israel pai ai cue'yoreña. Cue'yocohua'ire
si'sesi'i caquë yo'oquëña, mai ja'quë.

"Cueyë yeque huajo huaiye. Iñona ce cye
de'oye ju'ija'cohua'i me. Cueyë saiye",
cueyojë careña.

Cuejëna ja macapi quëaëña mai
ja'quëpi jaohua'ire, "Jaje mësaru yëto,
jaje pasipi. Iñona mësaru ju'ija'cohua'i
a'ë", caëña.

Caquëna yeco hua'ipi careña,
"Ai so'o ma'aë, ai soe jë'johuë jase'e
aijë ao mañase'e", careña.

Cajëna ja maca mai ja'quëpi cuañeëña
añapi cu'cujë'ë jahua'ire. Cu'curena jai
pai juteña.

Jujurena cui'ne yecohua'i careña
Moisesni, "Me yo'oquë cuañei'ni yëquëre?"

Ique do'ire cuañei'ni? Mai ja'quë cuañeñe papi, mē'ē se'quë cuachaquë yo'oyē', careña.

Cajēna ja maca mai ja'quēpi yejare ne hui'yoēña. Yejapi hui'yocona cueyocohua'i tomejēna sio quiohuesooña.

Sio quiohuesoona yeque mu'seña ti peoēña pai ucuye. Peocona mai ja'quë caēña



Moisesni, "Cuañejë'ë quëna tètëpare oco pa'ijacua", caëña.

Caquëna Moises sehuoye paëña mai ja'quë caye Sehuoma'ë pa'ina, mai ja'quë ai pëquëña Moisesni.

Mai ja'quë pëi caëña Moisesni, "Jaje yë'ëni sehuoma'ë yo'oto, ti saiye peoja'cua Canan yeja më'ë", caëña mai ja'quë.

Cani Israel pai pateña ja'ye maca Canan yeja, pa'ijëna ja macapi mai ja'quë caëña Moisesni, "Mëijë'ë ai cutihuëna. Mëni ñajë'ë Canan yeja.

Caëna Moises mëni Canan yeja ñaëña, ñani juquëña ja cutihuëna. Moises juquëna mai ja'quëpi Moisesni taëña.

Moisere juquëna tahuesoni pa'i, mai ja'quë co'eëña yequëni, paire ñacaija'quëre caquë. Co'eëña co'eni ti'aëña. I mami hue'eña Jose. Jaëpi ñacai paquëña,

Canan yeja ti'aja'cohua'ire.

Jose yo'oquëna Canan yeja ti'areña,

jaje mai ja'quë soe casito.

Rut

Yeque ometëcaña peoëña aine Canan yeja. Peoquëna ai hua' i ëaëña paire.

Pa' ina Belen yeja pa' iji te' e sëcapë peoco hua' i, ai hua' i ëa juteña.

Ai hua' i ëaquëna pëcaja' quë hue' eiña i mami Elimelec, cui' ne pëcaja' co hue' eoña Noemi. Ja hua' ipi pareña cayahua' repare mamajëre.

Paquëpi, "Sañu' u yeque yejata' a hua' i pa' iji", caëña Elimelec.

Cani saëña Moab yejana. Saquëna jeteyojepi juquëña Elimelec. Juquëna Elimelec mamajë Moab nomio hua' i huejareña. Huejani yequëpi Orfani huejaëña, cui' ne yequë huejaëña Rut.

Huejarena arimaña soe pani juteña cayahua' i Elimelec mamajë. Jutena nomio hua' ise' e hua' jeni pateña.

Pa'ijëna Noemi dari pa'i maca, ja
 Canan yeja soe aiñe paquëña yure. Pa'ina
 achani, Noemi co'icoñe yëoña Canana yejana.
 Co'icóna Orfa, cui'ne Rut de'oco hua'i
 pateña Noemini. De'oye pa'iye yëreña Noemi
 ja're coní saiye.

Yëjëta'a Noemipi caoña, "Mësaru
 iñona de'oye pëajë'ë", caoña.

Cacona Orfa, "Pëasi'i", caoña,
 Cacona Rutse'e pëaye cuereña.

Cueco Rut caoña Noemire, "Si'a
 hue'ña më'ë saito yë'ëje saiye", caoña.
 "Jarona më'ë sani pa'itoje yë'ëje sani
 pa'iyë", caoña. "Më'ë daripë pa'ito yë'ë
 daripë pa'ijacua. Më'ë mai ja'quë pa'itoje
 cui'ne yë'ë ja'quë pa'ija'quëapi", caoña Rut.

Cani Rut sacoña Noemi ja're. Sani caya
 hua'i pa'ijacohua'ipi sateña Belena.

Sani pateña, hua'i peoquëna. Rut
 sacoña sio, sani co'eoña aiñe, ja sio



necaicohua' i i ma' ẽ nia asia ai ẽ.

Co'eco ti' ao ña

curiquẽ paquẽni, i mami cato hue'eña
Boos. Ti' ao ña Boospi ñaẽña Rutni.

Ñani caẽña, "Jero aco a'ni ja
nomio", se qu ẽ ña Boos.

Se nia yequẽpi caẽña, "Jao cato Rut,
Noemi ja're co ni pa'icua. Ai de'ocua jao.

De'oconi ñani Boos yẽẽña Rutni.
Yẽ'ẽ ire necaicohua'ini cuañeẽña jaiye
i ma'ẽ jao ija'añe.

Jeteyoje huejaẽña, huejani paẽña
mamaquẽre. Obed i mami hue'eiña. Pa'ina
jaẽpi ai de'oni Obed paẽña mamaquẽre,
jaẽ cato hueẽiña Isai.

Isai ai de'oni, David pẽcaja'quẽ
paquẽña. Pa'ina David cato io hua' i
ẽjaẽ paquẽña.

Pa'ina David sęcapẽna Jesus ai
de'oẽña.



Samuel

Israel yeja Canan yeja hueyosiconi
te'o nomio pacoña io mami hue'eoña Ana.
Jaopi oio pacoña mamajëni peoco. Jaje
pa'ioipi paye yëoña mamaquëre. Yëo mai
ja'quëre secoña.

Seo caoña, "Ja'quë, më'ëpi yë'ë
mamaquëre isijë'ë dehuasi'i, ai dehuani
më'ëre coye isija'cua'ë. Më'ëpi pajë'ë
si'a mu'seña", caoña.

Cacona mai ja'quëpi Anani mamaquëre
isi'iña. Ipi hue'eiña Samuel. Jaëpi ai
de'huaëña. Ai de'huaëña arimaña soe pani
sao mu'señapi, mamaquëre mai ja'quëni
isioña. Eli quë'rona, mai ja'quë coca
quëaquë sani paquëña Samuel. Pa'ina Eli
quë'rona jeosi'i caco, jaroni mai ja'quë
caco.

Cacona Eli pa'ina caya hua'ire



mamajëre, co'acohua'ire. Pa'ijëna, Elini
 mai ja'quë caëña, "Quëajë'ë më'ë mamajëre
 yë'ë cuañeñe sehuoja'cohua'ire", caëña.


Caquëna Eli quëaëña i mamajëre quëaquë-
 ta'are io hua'ipi sehuoye pañeña.

Pajëna mai ja'quë Elire io mamajë
 ai jerepa cuañeja'quëni caquë yëëña.
 Yëquëna Eli cato ai oiquëña mamajëni,
 oi mamajëre de'oyerepa si'sema'ë paquëña.

Si'sema'ë pa'ina, mai ja'quë caëña
 Elini, "Më'ë mamajëni ai jerepa oiquë,
 yë'ëni arimaña oiquë. Jaje pa'ina yure
 yë'ëpi si'seja'quë a'ë ja hua'ire."

Si'seina te'e mu'sere cayahua'i ju'i-
 ja'cohua'i a'ë', caëña mai ja'quë.

Caëna, ñami soe huëo pëaëña Samuel.
 Pëani yequëpi ini choini achaëña. Achani,
 Elipi yë'ëni choi ma'quë cuachaëña Samuel.
 Cuachani, Eli quë'ro saquëña. Sani sequëña
 Elini, "Më'ëpi yë'ëni choiquë?",



Caquëna, "Pani më'ëre yë'ë choye caëña
Eli. Caquëna Elipi Samuelni cuañeëña.

"Tijubu më'ë caisaihuë sani caijë'ë".

Caëna toasoñeje pa'iyerepa ini choiji
achaquë Samuel. Achani Elipi ini choji
cuachani sani sequëña. Seëna, "Mai ja'quë
choma'quë Samuelni", Eli achaëña jete-
yojepi.

Achani, Elipi careña Samuelni, "Yeque
më'ë mami choiquëña jaje cajë'ë. Mai
ja'quë yure cajë'ë achasi'i".

Caquëna mai ja'quë choicoña Samuelni.
Choicoquëna mai ja'quë Samuelni caëña,
"Si'seja'quë a'ë Elire cui'ne i mamajëre,
cua yo'ocohua'ire. Eli cato si'sema'ë
paquë i mamajëre", caëña mai ja'quë.

Caquëna sëtani si'aye mai ja'quë
case'e Samuel quëaëña Elini.

Quëana, "Jaëpi mai ja'quëapi. Jaje
yo'oye yëji de'oji"; caëña Eli.

Caëna arimaña soe pani yequë
 yejana huajo huëoreña. Huajo huaijë
 cayahua'i Eli mamajë juteña. Ja huajo
 y'o'o hue'eñana.

Jutena yequë huë' huëni quëaëña Elini,
 "Më'è mamajë soe jujuhuë huajo hua'i
 hue'eñana", quëaquëña achani co'ye tomeni
 ñajëtëca jëyëni juquëña Eli.

Eli ju'ina Samuelpi ai de'oni mai
 ja'quëre de'oye sehüoquë paquëña Samuel.
 Pa'ina mai ja'quë Samuelni de'o coca
 cui'ne ñëi yo'oye quëaëña. Quëaquëña
 Samuelpi paire quëaëña mai ja'quë de'o
 jo'yaë de'oquëña Samuel.



David posēpi cuf'ne jaiquēre

Saulpi Israel pai quēcoquē paquēña.

Pa'ita'a de'oye quēcoquē pa'iye paēña co'aque paquēña. Mai ja'quēre sehuoye paquē paquēña.

Pa'ina mai ja'quē caēña Samuelni.

"Saijē'ē Belen hué'eña quē'rona. Isai hué'e quē'rona. Sani Isai te'ire mamaquēre jaēte de'huajē'ē, caēña mai ja'quē.

Caēna Samuel saquēña Belenna. Sani ti'aēña Isai hué'e. Ti'ani sia hua'i David yojei sēcapé ñajējani, sequēña David meñe yo'jeirepani. Jaē Isai mamaquēni. Seina David cato siore paquēña ñamani ñacai paquēña. Pa'ina Samuelpi Davidni ñani neiña huiyape i siopēna, jaje yo'oto iquē Israel pai quēcoquē pa'ija'quē api. Jaē Saul etasi maca David cacaja'quē api.

Jaē David cacama'ēna Filisteo

paija're Saul huihuaquë paquëña. Huihuaquëna
 Filisteo pai pareña te'i jaiquërepare i
 mama hue'eña Goliat. Pa'ipi si'a mu'seña
 cue'cueña Israel pani. Cue'cueni, cui'ne
 mai ja'quëreje cue'cueña.

Cue'cuequë caëña Goliat, "Cuañejë'ë
 te'i më'ë paire yë'ë ja're coni
 huihuaja'quëre. Ipi satëto satu yëquëpi
 mësaru cuamaña necaija'cohua'i
 pa'ijacohua'i a'ë', caëña Goliat.

Caquëna, Israel pai ai ca'rareña ini
 jaiquërepani, cui'ne ai tutu quë'ire me.

Ca'rajëna David maja'yë jupë
 toasocohua'i, Saul soldado hua'i pateña.
 Pa'ijëna yeque mu'se David saquëña
 maja'yë jupë quë'rona Ñasi'i caquë.
 Saha'u*i* saëña maja'yë jupë aija'ña.
 David sai achaëña jaiquë Goliat caye.

Achani cuachaëña David, "Mai ja'quë
 cocaina jaëte jaiquëre yë'ëpi satëto

sasi'i'' cuachaëña David.


Cuachaquë David siayana sani co'eña quëna pëa ti'aëña. Ti'ani, i tërüpëna ayaëña. Ayani, "Yure sani ti'asi'i jaiquërepare ", caëña David.

Cani sa ti'aquëna, Goliat posëje pa'ire ñaëña.

Ñani jaiquë ai cue'cueina Davidni. Cue'cuequë caëña, "Yë'ë joyaë'ë më'ë cuachaquë tarapë daquë?" caëña Goliat. Caquëna David sehuoëña, "Mai ja'quë yë'ë ja're pa'iji, jaje pa'ina më'ëre tëto saija'quë a'ë'', caëña David.

Cani David ti maca quënapë ini jeocana tëoni jeoëña jaiquëre. Jeoquëna quëna pë juaëña jaiquë i sia yejarepana. Juaona jaiquë taquëña yejana. Taquëna David isi'i Goliat huatire caquë huë'huëni, ini tëto tëaëña jaiquë siopëre.

Tëto tëani ja maca Filisteo pai



ñareña soe juquēna jaiquē. Ñani huēhuēni
saquēna. Saquēna ějaē Saul soldado pai.
ja Israel pai tui ti'ani Filisteo pai.